



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-1-40-330-4/22

Datum: 02.08.2022. god.

«Agencija za vodno područje rijeke Save» Sarajevo rješavajući zahtjev podnesenom od strane punomoćnika Sedine Pilavdžić, a u ime pravnog lica „Elsta Mosdorfer Bosnia” d.o.o. Živinice za donošenje Rješenja o prethodnoj vodnoj saglasnosti za ispuštanje tehnoloških otpadnih voda sa lokacije poslovno-proizvodnog objekta sa lakirnicom, koji se planira dograditi i nadograditi na zemljištu označenom kao k.č. broj 295/90 K.O. Bašigovci, općina Živinice, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. Zakona o upravnom postupku («Službene novine Federacije BiH», broj 2/98 i 48/99) d o n o s i

ZAKLJUČAK

1. Odbacuje se zahtjev podnesen od strane punomoćnika Sedine Pilavdžić, a u ime pravnog lica „Elsta Mosdorfer Bosnia” d.o.o. Živinice za donošenje Rješenja o prethodnoj vodnoj saglasnosti za ispuštanje tehnoloških otpadnih voda sa lokacije poslovno-proizvodnog objekta sa lakirnicom namijenjenog za proizvodnju poliesterskih razvodnih ormara za elektro industriju, koji se planira dograditi i nadograditi na zemljištu označenom kao k.č. broj 295/90 K.O. Bašigovci, općina Živinice, zbog nepostojanja uslova za vođenje upravnog postupka s obzirom da za predmetnu aktivnost, shodno odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta je dužan da pribavi vodne akte od nadležnog organa.
4. Ovaj zaključak može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

Obrazloženje

Punomoćnik Sedina Pilavdžić je u ime pravnog lica „Elsta Mosdorfer Bosnia” d.o.o. Živinice podnijela zahtjev ovoj Agenciji za donošenje rješenja o prethodnoj vodnoj saglasnosti za ispuštanje tehnoloških otpadnih voda sa lokacije poslovno-proizvodnog objekta sa lakirnicom namijenjenog za proizvodnju poliesterskih razvodnih ormara za elektro industriju, koji se planira dograditi i nadograditi na zemljištu označenom kao k.č. broj 295/90 K.O. Bašigovci, općina Živinice.

Uz zahtjev je dostavljena slijedeća dokumentacija:

- Punomoć za Pilavdžić Sadinu;
- Ovjerena kopija aktuelnog izvoda iz sudskog registra Općinskog suda u Tuzli, od 12.05.2022. godine;
- Kopija Zemljišnoknjižnog izvadka broj: 033-0-NAR-22-001 474 K.O. Bašigovci, ZK uložak broj: 473 izdat od strane Zemljišnoknjižnog ureda Općinskog suda u Živinicama dana 29.04.2022. godine;
- Kopija katastarskog plana, K.O. Bašigovci, broj plana:5, UR BROJ: 04/23-26-2355/2022-3 dana 28.04.2022. godine;

- Posjedovni list broj 1107 izdat od strane Službe za urbanističko planiranje, komunalne, geodetske i imovinsko-pravne poslove Grad Živinice, broj: 04/13-26-2354/22-2 dana 28.04.2002. godine;
- Kopija Zaključka o odbacivanju zahtjeva donesenog od strane Agencije za vodno područje rijeke Save broj: UP-I/25-1-40-179-4/18 dana 17.05.2022. godine;
- Vodna studija u postupku pribavljanja prethodne vodne saglasnosti za potrebe dogradnje i nadogradnje poslovno-proizvodnog objekta, urađena od strane Atrius projekt d.o.o. Živinice, juli 2022. godine;
- Dokaz o uplaćenju upravnoj pristojbi.

Nakon pregleda dostavljene dokumentacije konstatovano je slijedeće:

Na zemljištu označenom kao k.č. broj 295/90 K.O. Bašigovci, općina Živinice, podnosilac zahtjeva planira dogradnju i nadogradnju poslovno-proizvodnog objekta sa lakirnicom za proizvodnju poliesterskih razvodnih ormara za elektro industriju. Predmetni lokalitet se ne nalazi u vodnom dobru, prostoru zaštitnih zona površinskih i podzemnih voda, niti u poplavnom području vodotoka I kategorije. Oborinske vode sa platao oko objekta kontrolisano će se prikupljati putem slivnika, te zasebnom kanalizacionom mrežom odvesti do separatora i preko okna za monitoring ispuštati u bezimeni potok. Privremeno skladištenje boja, lakova kao i ostalih sirovina koje se koriste u procesu proizvodnje vršit će se u originalnoj ambalaži u zasebnoj prostoriji. Lakiranje poliuretanskih razvodnih ormara vršit će se poliuretanskim i akrilnim dvokomponentnim lakom u posebnoj komori koja je opremljena usisnim sistemom sa odgovarajućim filterskim uređajima. Iskorišteni filteri će se mijenjati periodično i odvoziti i zbrinjavati od strane ovlaštene firme za zbrinjavanje opasnog otpada. U proizvodnom procesu se ne koristi voda niti nastaju tehnološke otpadne vode kao rezultat tehnološkog postupka.

Na predmetnom lokalitetu neće biti produkcije tehnoloških otpadnih voda kao rezultata tehnološkog postupka, kao ni oborinskih onečišćenih voda, kako je to utvrđeno odredbama člana 3. tačka (s), a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama, u skladu sa članom 218. Zakona o upravnom postupku, te je ovaj organ našao da po podnesenom zahtjevu ne postoje uslovi za donošenje rješenja o prethodnoj vodnoj saglasnosti.


Iz razloga naprijed navedenih, a u skladu s članom 139. stav (1) i 111. Zakona o vodama i članom 218. stav (2) Zakona o upravnom postupku riješeno je kao u dispozitivu Zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.građ.

Dostaviti:

Sedina Pilavdžić, ul. Maršala Tita 21, 75270 Živinice
ELSTA MOSDORFER BOSNIA d.o.o. Živinice, Industrijska zona Ciljuge II, 75270 Živinice
AVP Sava, ISV – Vodna knjiga
Sektor 40, arhiva
Oglasna ploča AVP Sava